



**R**unc herre als reht götliche  
rūwet vñ mit den als liep-  
lich wonte. dz ist mir ain  
reht wunne vñ ain völv  
rūwe da ich vñ dv sālig sel  
rūwe vñ vñode bi enander  
habent. Dar an muget ir  
merken. dz vnser herr zart-  
lich vñ götlich wonet bi sin  
raimnen möt sant marien  
**E**r rūwet bi ir och als ain  
striter. won er wolt an ainē  
starcken strit. da wolt er als  
tegenlich striten. dz er sere a-  
ne masse wunt wart. Durt  
stark strit waz der bitterlich  
tot. mit sin tot gewan er wi-  
der an dem crütze alles mēt-  
schliches künne. dz waz im  
lenomen vil bi sehs twsent  
Iar. dz gewan er wider an  
dem strite. Es waz ain hertter  
grosser strit. da ih̄s xps vloz  
sinen künkliehen lip. Er to-  
te an vns den ewigen tode.  
mit sin tode. **D**o Gottes  
son an disen strit wolt gan-  
d rūwet er in dem edlen ge-  
zelt in siner raimmen möt

lip. vñ wāffent sich in dem ge-  
zelt mit d'raimnen mētshait  
die er an sich nam. von ir. **E**  
Er rūwet och in disem gezelt  
als ain herte. dz vnser herre  
Got si ain herte. dz sprichet er  
selb in dem ewangelio. Ich bin  
ain herte göt. vñ herte miner  
schāse. vñ han min sele gelet  
zet fü minē schāf. **I**n sont  
ir merken dz dritte wort. dz  
si sprichet. er lerte mich dz ich  
wonte in jacobes gezelt. Dar  
an sont ir merken. dz er hieß  
vñ lerte dz si wāre ain ringe-  
rin vñ ertriche. **J**acob dz spi-  
chet ain ringer. vñ dz er si hieß  
dz si wonte in jacobes gezelt.  
Da mit ist es gemāmet. dz  
er si hieß. dz si ain ringerin  
wāre. vñ dz si ringen solt mit  
d'welte. vñ dz h̄ymelrich mit  
arbeiten gewinnen. **I**n  
sont ir merken dz si sprach.  
Min erbe sol sin in israhel. dz  
sprichet die Got sehen. dz sol  
ir erbe sin. dz si Got ewlich  
sol an sehen. won vnser h̄re  
Got der wil selb ir lōn sin. vñ